

EDIKQK OWO GADARA EMI EKENYENEDE NDEDEHE SPIRIT

Mark 5:1-20

QYQHQ UKPEP-ŊKPQ 79

Eke Ikpọ Owo

IKQ IBUOT: “Owo eke etienede Mi ndibinke enye nduok” (John 6:37).

I Isañ Mbom Christ

1. Jesus ebe inyañ, Mark 5:1; Luke 8:26
2. Owo emi okoyomde uñwam ekedi etiene Jesus onyuñ atuak ibuoṭ ọṇọ Enye, Mark 5:2-6; Luke 8:27, 28; Matthew 9:13; Mark 19:10
3. Ebin edidehe spirit efep ke idem esie, Mark 5:7, 8; Luke 8:29; Mark 1:27

II Asua Ubon Owo

1. Eyarade mme ndedehe spirit mme asua, Mark 5:9, 12; Luke 8:30; Job 1:7; Ñwed Mbon Ephesus 6:12
2. Udim mme ndedehe spirit esuk ibuoṭ inyuñ inyeneneke odudu ke iso Eyen Abasi, Mark 5:10; Luke 8:31; Matthew 28:18; Ñwed Mbon Philippi 2:9, 10
3. Ebin satan efep, Mark 5:11-13; Luke 8:32, 33; 4:35, 36; Ñwed Mbon Colossae 2:9; Matthew 8:32; 17:18; Utom Mme Apostle 5:16; 19:11, 12
4. Jesus ndinam utibe utom mbom emi ayarade ke iso mme owo, mme owo ekpe Enye ubok ete okpon, Mark 5:14-17; Luke 8:37; Matthew 8:34; 2 Ñwed Timothy 3:8

III Edikpuhore Uduot Oto Ke Mfon Abasi

5. Ukpuhore ke esit idem anam obufa edu uwem ọworo owut idem, Mark 5:15, 19; Luke 8:35; 2 Ñwed corinth 5:17; Titus 3:5
6. Owo oro oyom ndidu ye Jesus, Mark 5:18; Luke 8:38; Psalm 73:25
7. Jesus ọṇọ owo Gadara oro utom ndinam, Mark 5:19; Luke 8:39; Psalm 107:2; Matthew 10:32, 33; Ñwed Mbon Rome 10:10; Utom Mme Apostle 4:20; Isaiah 62:6
8. Ikọ ntiense emi abanade utibe-ŋkpọ Christ anam mme owo edu ke mkpaidem, Mark 5:20; Matthew 15:30, 31; Luke 4:37

SE EKPEPDE EBAÑA

Ndiom Se Isopde

Akananam Abasi itreke ndiyom esit mme owo. Akananam Eyen Abasi ibiatke ini ndikpon anañ ye efutenañ nka anyan ebiet, edieke anade edi ntre, man ada ukpon kiet emi okosopde afiak onyof edisin ke otu (John 10 :11 ; Luke 15 :4-7). Ikọ Abasi etin ọṇọ nnyin ete Jesus ekedi “ndiyom ndinyuñ nnyaña se isopde” (Luke 19 :10). Ke ntak emi ke Jesus ekebe inyañ Galilee aka ke isof Gadara. Enye ekesikpep mme otu owo nkpọ ke nke, edi ke mbubreyo edide Enye eketin ọṇọ mbet ete yak mmọ eka ke nkañ edem inyañ eken. Ndusuk ini mme mbet ema enyene idorenyin ndika nkoduok odudu ke itie efen, edi Jesus ama enyene ekikere efen. Enye ama ofiok ete ke odu owo emi enyenede afanikof ke nkañ inyañ eken, oro edi owo emi enyenede edidehe spirit emi okodude ke mfuho, emi satan okobopde ke ebuka. Nte owo idat oro akasafade ke mben inyañ ke ekim oyobio okoneyo oro, ndusuk ini enye ama enyene nkpọ ke esit esie emi okonode enye udof ndiyom usuñ ndidu eti uwem.

Nte Jesus ye mbet Esie ekebede inyañ, akwa oyobio okotibe ndien mbufut mmof okoyohof ubom. Mme Mbet ekekot Jesus, emi akasufade ọṇọ ofum onyuñ anam mbufut inyañ odobo. Mmọ ema eyik eti-eti ke se mmọ ekekutde, ukem nte mme owo ekeyikde ke ini Enye eketrede mbufut emi okodude ke idem owo emi okodonode idat.

Uñwam Mme Anana-Uñwam

Ke ini ubom ama okosim esuk, Jesus okosobo ye owo emi ekenyenede udim ndiqi spirit. Idiok-ŋkpọ ama ofo enye ifiok. Idiok odudu oro akakara enye onyuñ akabare edi ete-ufok esie, ntre ke mme owo ekeдомо ndiñwam enye ke ndisin ke ebuka emi enye okokibide mbai-mbai. Enye akaka ke mme udi, onyuñ ada mme itiat ekpeñe idem esie, onyuñ okuni abafana ukpon esie okoneyo ye uwemeyo. Ndusuk ini owo ekeme ndikere ete ke owo emi ama oyom usuñ okpon nte ekpeñwamde enye, edi Jesus edi uñwam ọṇọ enye emi minyeneneke uñwam ye idorenyin ọṇọ enye emi minyeneneke idorenyin. “Emi edi se owo mikemeke ndinam; edi Abasi emekeme ndinam kpukpru nkpọ” (Matthew 19:26).

Owo emi ama okut Jesus anyan usuñ, efehe akatuak ibuoṭ ọṇọ Enye, ndien Jesus akasua ọṇọ edidehe spirit onyuñ owuk mmọ ete ekpon owo oro. Udim ndioi spirit (ewak nte ekotde mmọ legion) ikenyeneneke odudu ke iso Jesus. Ke uyo Esie, mmọ ekenyene ndikpon owo oro, ndien ke uñyime Esie mmọ ekeduk ke idem otu edi emi ekedude ke mben inyañ ndien mmọ ekeduof ke inyañ ekpafana. Ke ikọ Jesus owo oro ama ofohof onyuñ ofo erikok ke ukpon ye ikpohidem esie.

Edisin Esit Mmọ ke abaña Inyene

Ke ini mbio obio ekekopde se ikotibede, mmọ ekesọp etiene Jesus. Nnyin ikopke ite ke mmọ ema enem esit ke abaña ukpuhọre emi owo idọk-spirit emi ekenyenede, owo emi mmọ ekenyenede ndik ebaña, emi mfiori esie ekesinamde mmọ edu ke mkpaidem ke okoneyo. Eketie nte mmọ ikọfiọkke ite ke mme imọ imenyene udori nko, ke ini ema ekenam owo mfina emi okodude ke otu akabare edi eti owo obio. Nwede Abasi etiñ ete ke mmọ ema efehe ndik. Ekeme ndidi mmọ ekefehe ndik oto nte mmọ ekenyenede ntak-urua ke inyene mmọ, ke abaña nkpọ emi mmọ ekedade edu uwem.

Ke ediwak ini etie nte mme owo isimaha ndikut mme utibe nkpọ emi Jesus anamde, koro mmọ esede nkpọ ikpohidem, edi isehe eke spirit. Mmọ ema ese, ekut nte uwem owo emi okpuhọrede oto ke odudu ata edikoñ, edi etre ndise nnyuñ mfiok se ikadade itie. Ekuyak nnyin itre ndinọ Abasi ekom ye ubon ke mme utibe nkpọ emi Enye akanamde ke uwem nnyin ye ke uwem mmọ efen nko, mbak nnyin, nko, ke ikọ mme ke edinam ikubin Andinyaña, nte mbio obio Gadara ekenamde. Edi akpanikọ ete mbio efen ema edu do emi ekeyomde erikok eto Jesus, edi mmọ ema etuk idem mmọ ke ndisin mme edidiọñ eke spirit ye eke ikpohidem ke ndikpe ye Enye ete okpon obio mme imọ.

Odudu Ke Iyip

Utibe ifiok erinyaña ukpon emi owo otonode “ntak amana” (John 1:12, 13: 3:3-21) ye ediworọ ke mkpa nduk ke uwem, edi se Eyen Abasi ekepede ke kros. Erinyaña edi ifiok emi owo enyenede ini kiet, emi esiode owo efep ekpon ukara andidiok esin ke ebuana ye Jesus, ndien ekeme ndinyene enye ke nditiene Jesus ke mbuñ-esit ye mfuhọ, ndikpon kpukpru idiok, ndinyuñ nyak ofuri uwem owo nno Enye. Iyip Eyen Eron Abasi emi okoduokde eyet kpukpru idiok-nkpọ ke ini odukde ke esit anam idiok emi atuade mkpofiok (Kot ke 1 John 3:8-10).

Ke Isaiah ibuo 53 nnyin imokut idighe enwonọ Andinyaña ye Andifak ikpon edi ye Abasi Andikok nko. Uduak edifak owo esine utibe edikok, koro Abasi ke akwa mbufiok ama asiak usuñ onọ se Ikot Esie eyomde. Ke mkpa Jesus ke kros, Enye ama edep edikok onọ ukpon ye ikpohidem. Ke Exodus 15:26 Abasi etiñ anwa-anwa ete ke edi Enye okok udonọ ikot Esie; ndien mme enwonọ Esie edi akpanikọ, ikpuhokere (Numbers 23:19; Isaiah 40:8; 1 Peter 1:25). Odudu Abasi isuhokere ndomo esisit, Jesus Christ etie ukem-ukem mkpon, ye mfin ye ke nsinsi (Mme Hebrew 13:8).

Abasi otim anam anwaña ke ndinọ ntot man enim Enye ke akpanikọ kpukpru ini ndinyuñ nyak ofuri ekikere nnyin nno odudu erikok emi otode Iyip. Etiñ enọ nnyin ke James 4:13-15 ukem ukem se ikpanamde ke ini nnyin idude ke mfina. Isuñi odororo owo emi edibuotde idem ye owo, onyuñ onimde obukidem ke ubok esie (Jeremiah 17:5), enyuñ enwonọ edidiọñ enọ owo eke obuotde idem ye Jehovah (Jeremiah 17:7).

Asua

Asua mọdo mfin emi odomode ndiwonode owo mkpon Abasi, emi obopde mmọ ke uruk idiok-nkpọ, onyuñ anam mmọ inyeneke ukeme nte owo ubuene, emi okodonode idat. Satan edi enye emi oyomde ndimen owo nsin ke ufin idiok-nkpọ; edi Jesus ekedi “ete mbop mmọ eke esit mmọ obuñode, nkworọ uworọ ufin nno mbuo ekon, nkworọ nsana-nyak nno mmọ eke ekobide” (Isaiah 61:1). Abasi oyom mme owo enim Ikọ Abasi ke akpanikọ, ndien mmọ eyedi mme andikan oto ke Jesus emi enyenede kpukpru odudu ke Enyon ye ke ison.

Edon Ete Anam Utom

Udon owo Gadara ekedi ndidu ye Jesus, edi Christ ama okut ntak ndinyene ntiense ke obio oro. Owo emi ekenamde utibe nkpọ ke uwem esie, okobọ item ete yak enye afiak etiene mbon esie, onyuñ etiñ ikọ ntiense abaña odudu Abasi. Enye ekenyene ndifiak nti mmọ oruk owo eke enye ekedide ke akpa: nte idiok-nkpọ mikayakke enye enyene ifiok ye kpukpru nti nkpọ eken ke uwem esie; ye nte Jesus ekedide, onyuñ asuade onọ mme demon, onyuñ ebinde mmọ efep. Ntre ke enye ekenyene emem ke esit esie, ukpon esie onyuñ enyene nduok-odudu. Usuñ kiet emi enye akanade okom Abasi ke se Enye akanamde ekedi ndisuk ibuo ke editiñ ikọ ntiense ke abaña akwa ukpuhọre emi okodukde ke uwem esie. Nte enye akanamde ntre, kpukpru owo ema edu ke mkpaidem.

MME MBUME

1. Nso utọ udonọ ke owo Gadara okodonọ?
2. Nso ikedi ntak idiok itie esie?
3. Nso ikedi nkukure unwam inọ enye?
4. Enye ebiet nso utọ owo mfin? Nso idi unwam emi anade onọ utọ owo oro?
5. Nso oruk ibon ke mbon Gadara ekedi?
6. Ntak emi ebeñe mmọ ekenyenede ukpuhọre ye eke owo demon?
7. Nso utom ke enye ekenyene ndinam, nso edinam ke emi ekenyene ke idem mme owo?